

# LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 11, redacziun@fmr.ch



## Traffic circular per il vitg da Laax

Laax sanescha las lingias da l'infra-structura e vul gist introducir in nov concept da traffic. **Pagina 4**



## President/a e suprastant/a tschertgads

L'interess per l'Uniuin da mastergnants e commerzi Surses tschessa. Ed i manca il personal. Co vinavant? **Pagina 8**

FMR FUNDAZIUN  
| MEDIAS  
RUMANTSCHAS  
 **südostschweiz**

### GRISCHUN

## Lumnezia e Sumvitg vulan continuaziun

Radund 730 000 francs l'onn pli pauc en la cassa – lez han Sumvitg e la Lumnezia en diesch onns. Lura scadan ils daners che las vischnancas survegnan per avair desisti avant trenta onns d'ina obra idraulica en la Greina. Ma las duas vischnancas vulan batter per ina continuaziun da las indemnizaziuns dal rap da la cuntrada. «Per nus è quai ina gronda summa», di Patrick Schaniel, president da Sumvitg. Omaduas vischnancas veglian definir ina strategia. Suenter dovrian ins era l'agid dals parlamentararis grischuns che inolteschan intervezziuns. La Greina è stada l'emprima cuntrada en Svizra ch'è vegnida protegida ed indemnizada cun il rap da la cuntrada. (fmr/vi) **Pagina 2**

### SURSELVA

## Tschien dunnas han gudiu «lur» di



In viva da dunnas sillas dunnas la sonda sera ella halla plurivalenta a Rueun. **FOTO PATRICIA TSCHUOR**

Ils 8 da mars ei il Di internaziunal dallas dunnas. El ei vegnius celebraus en pliras fuormas e differents loghens, era a Rueun. L'Uniuin da dunnas Rueun ha envidau las dunnas dalla vischnaunca d'Ilanz/Glion da vegnir la sonda sera en halla plurivalenta e da guder la cumpignia. Exactamein 100 han dau suatientscha agl invit. «Igl ei stau ina grondiusa sera, las dunnas ein stadas sensaziunalas e la buna luna ha buca muncau.» Quella bilanza positiva da quella sentupada sa Patricia Tschuor trer, ina da treis dunnas al tgamun dall'uniun. Gia avon in onn ei il Di internaziunal dallas dunnas vegnius celebraus en vischnaunca, lezza ga a Glion. «En sesez era ei buca igl intent da porscher ming'onn in arranschament pil di dallas dunnas», di Patricia Tschuor. Damai ch'il termin seigi curdaus uonn sin ina sonda, hagi l'uniun vului nezegiar quella caschun per in'ulteriura scuntrada spirontamein per las dunnas. Schebein ei vegn a dar in tierz di dallas dunnas ella vischnaunca d'Ilanz/Glion vegn pér a semussar. La sentupada ella halla plurivalenta a Rueun ei vegnida cumbinata cun recreaziun ed ina tscheina. (fmr/hh) **Pagina 4**

### ENGIADINA

## «Avegnir Infra Scuol» – finanzas e sfidas

In december 2022 ha la radunanza cumünala da Scuol deliberà ün credit dad 1,2 milliuns francs per cuntinuar cul proget «Avegnir Infra Scuol» ed elavurar ün concept da finanziaziun. Passa duos ons plü tard piglia il capo da Scuol, Aina Zanetti posiziun guardond i'l passà ed in l'avegnir. L'incumbenza saja statta d'elavurar üna survista da tuot quai chi vess da gnir finanzia e da sclerir che chi'd es pussibel sainja impedir ed influenzer las incumbenzas cha'l cumün sto realisar sainja novs progets. Ella declera eir che chi sun las sfidas turisticas pel cumün da Scuol e ch'els hajan decis da's focussar süil Bogn Engiadina. (fmr) **Pagina 7**



Servetsch d'abunents e da distribuziun: tel. 0844 226 226 mail: abo@somedia.ch

## Maraton cun relaziuns invernalas

Cun cundiziuns perfetgas, avunda naiv e bler sulegl ha ier dumengia gi lieu il 55avel Maraton da skis engiadinais. Suenter avair passà il vitg da Segl Baselgia (guarda foto) han questas passlunghistas e quests passlunghistas anc gi in lung viadi fin a l'arrivada a S-chanf. Totalmain en 12398 persunas participadas a la cursa populara en l'Engiadin'Ota. (fmr) **Pagina 3**



FOTO SWISS-IMAGE.CH/PHOTO ANDY NIETTLER

«Pli baul era quei aschidadir il clom per in dating.»

Las schibettas glischantas eran ina brev d'amur en la sigraglia da la noz. – Pagina 5




FOTO MARCEL KELLER

## Las schibettas han scatschau igl unviern

L'emprema sonda suenter mesjamna dalla tschendra vegn tratg schibettas a Dardin. Quei vegl usit che duei scatschar igl unviern ei semantenius leu entochen sil di dad oz. Quei ei era stau uonn il cass e la sonda sera han tozzels schibettas glischau el tschiel seirein a Caprè. L'uniun da giuventetgna ha procurau per ina tenda da fiasta e leu ha ei era dau patlaunas. (fmr/hh) **Pagina 5**